

清代筆記叢刊

郎潛紀聞

陳康祺著

中

三才圖會

卷之四

七

郎潛紀聞卷六

清 鄧陳康祺著

國初凡鄉會試。三場俱由主考出題。自順治十五年後。會試及順天鄉試。頭場四書三題。由 欽命。密封送內簾官刊印頒發。

乾隆二十二年丁丑會試。奉 旨。易表判為詩易經文於二場。永著為例。二十三年。復於頭場增性理論一篇。

乾隆二十二年。高宗三次南巡。是春值丁丑會試。上駐蹕揚州。詔扈從大臣

禮部侍郎介福。自行在齋。旨及詩題。以三月初六日馳至京師宣 旨。即奉充

總裁。入闈時。刑部尚書劉統勳。禮侍郎金德瑛。已奉總裁會試之 命。上方將迴

蹕河工。召劉統勳籌議。限二十八日抵工。故以介少宗伯代之也。按此事見錢侍

注齋 旨及詩題云云似乾隆朝頭
場四書文仍由考官出題也俟攷

順治二年乙酉江南鄉試。以十月舉行。三年丙戌科。因故明瑞昌王朱誼泐事。改九月。

康熙二年癸卯科江南鄉試。同榜凡兩鼎甲。五尚書。三大學士。得人最盛。時典試者。

編脩大興王勛。工科給事中。在平王曰高也。

康熙五年丙午科鄉試。新例頭場試策五道。二場試四書論經論各一篇。

江蘇安徽分省取中。自乾隆六十年乙卯。恩科會試始。

鄉試覆試。自道光甲辰科後。始為定制。其實始於順治十四年也。是科丁酉。因順天江南科場事發。詔令覆試。

道光二十四年。諭外省駐防生員。準入各省鄉試場。另考繙譯。

咸豐元年。兩江總督陸建瀛奏。士子不明正學。請以性理論試士。經禮部議準。生員於考試經古場。童生於府縣覆試場。添性理論一篇。命題在濂洛關閩書中。理解明晰。拔置前列。得旨允行。不數年。粵匪南來。建瀛棄師逃遁。貽禍中原者甚大。一時士論嘖嘖。遂與周禮殃民。孝經退敵等語矣。軍興。各省捐輸量加學額。自咸豐二年。太常少卿雷以誠奏請始。

乾隆三十四年己丑科。殿試。欽定前十本。常熟李學錦卷。列一甲第三。以引

見不到。降三甲末。咸豐癸丑科。聊城朱學篤卷。列二甲第一。亦以引見不到。降甲。煦齋相國英和恩福堂筆記云。余三主禮闈。壬午科亦定江蘇元三日。山陽汪文端

公欲以廣東卷易之。余不可。會發喘疾。精神委頓。進卷之期又迫。遂請同事公定元卷。竟將翁心存卷押置。而粵士呂龍光魁多士矣。科場事非但去取有數。即名次先後亦有一定。其不能強也如此。按是科相國為正總裁。筆記云云。是文端失元。相國方引為憾事。然文端卒成名相。公子同龢。公孫曾源。相繼大魁天下。可見鬱之愈久。發之愈光。馳驟名場。原不嫌暫時少屈也。

康熙十六年丁巳。因軍興。開科止四省。一順天。一江西。湖廣。附江南。一福建。附浙江。一山東。山西。陝西。附河南。有鄉無會。

雍正四年丙午科。奉上諭。五經取中副榜。及兩次中副榜者。俱準作舉人。一體會試。後不為例。

道光初元辛巳。恩科。因疾疫流行。順天鄉試展至九月舉行。

萊陽趙崙閻仙。康熙二十一年督學江南。力矯時風。清廉自矢。過江擊楫曰。某若一毫自私。不能生渡江北矣。於是干謁不行。孤寒吐氣。簞簞之風為之一變。見董含三岡識畧。

宣宗朝。江陰季文敏公芝昌。尤以詞章邀。睿賞。自十二年及第後。大考連列高等。

疊奉 山東浙江江西學政主考之 命二十三年與考試差翼日召對。上嘉歎公文。謂他人竭蹶喘汗不能到者。汝則沛然有餘。譬之於射。汝穿楊百中矣。公退。以不失鵠名其齋。

方勤襄公維甸行狀云。年十八入京。賜舉人。內閣中書軍機處行走。本朝樞臣入直華要之年。當無更少於公者。按公一生敷歷。有三大榮遇。為自古人臣未有之遭。公始生時。父恪敏公方總制畿輔。彌月之辰。恪敏適扈從。行在。而陳後。攜抱入覲。賞賚駢蕃。一也。未弱冠。賜中書。所聘雲南裴撫軍女。猶未娶也。會引見垂詢。命金壇于相國。傳示裴中丞。早為畢姻。嗣裴夫人歸甯滇南。又有旨下直隸制軍。沿途促返。二也。公督閩浙。以太夫人年逾八旬。拜疏歸養。後有詔召贊樞務。公奏稱臣母不能頃刻離臣。臣又不能奉母就道。懇辭。新命。上聞。憫而許之。乃輟召。復加賜珍物。以遂其孝養之私。三也。醴恩渥寵。家人骨肉所未能體恤周至者。聖天子終始矜全。乃無微不至如此。百世臣僚。宜何如踴躍感奮與。詳見公行狀及惜抱軒集。桐城科名錄。

沈琨初直軍機。由中書選佛山同知。以憂歸。服闋。阿文成王文端二公。交章保留。仍

在軍機行走。由御史出守泰安。此嘉道後所罕有者。

陽湖李申耆先生兆洛。少即絕特嚮學。初應童子試。縣令陳君以其年最稚。而投卷最先。疑詰之。先生應答如流。令曰。汝即歸。吾不招覆汝矣。通場必無及汝者。招覆非第一不可。汝髫年初試。即蓋一邑。非吾之所以期汝也。遂在廳事書聯為贈。曰他日定成名進士。乃翁真有好兒郎。邑中傳為佳話。比應學政試。督學仁和胡文恪公。既首擢。復將先生原場及覆試卷刻成。九學諸生各給一本。曰歸家熟讀之。毋薄李生新進。老夫衡文半天下。未見有如李生者。先生淹通天人學。頗而博。當其華年英發。固宜如景卿麟鳳。蚤著輝光。而當時名卿大夫有風教之責者。一士之身。矜寵培護至此。亦可謂難能已。或曰陽湖縣令識先生最先。又激厲成全之。此吏可云不俗。贈聯僅以名進士相期。何其陋耶。余曰名進士三字。近人多濫用。

耳循名責實。一朝曾有幾人。令君期許。未為失當。

林文忠公督兩湖日。整飭淮綱。許挑賣私鹽之窮民。改悔投充肩販。由各處官鹽子店給票。挑赴四鄉。賣完繳價。此化莠為良之第一法也。

比年直省督撫奏報壽婦百歲者三家。一河南故漕運總督袁端敏公甲三之母。現任戶部侍郎保恒之祖母郭氏。一廣東現任赤谿協副將周鳳山。湖北補用副將周

岐山之祖母陳氏。一直隸道光戊戌會元王振綱之母杜氏。皆親見七代五世同堂。先後奉 特旨褒賞。袁母年九十七。王母年九十四。皆援連閨計算之例。以百歲請旌。周母則於同治十年。實已馴致百齡矣。項城之袁繼世名臣。直節蓋猷。著聞中外。周氏兄弟。從曾文正公轉戰東南。奮力最蚤。書勛最多。卓然為中興宿將。振綱學問淵醴。性淡榮利。主講保定蓮池書院。門牆鼎盛。科目傳家。畿輔儒流。奉為魁碩。三壽母之子孫表表如此。良由 天亶首出。聖善垂型。聲教則朔暨南漸。班僚則文經武緯。以故期頤貞壽。適在鼎鐘閭閻之門。豈非 昌明之運。聖孝之徵歟。

同治三年。賊擾江右。南安戒嚴。知府黎兆棠。請其母馮氏出城暫避。馮氏怒叱之。並出簪環犒士。命兆棠登陴死守。賊攻益急。則率鄉兵開城出擊之。屢挫狂寇。郡城獲全。馮氏力也。巡撫沈公葆楨。以聞。得 旨旌獎。殆不愧古之夫人城矣。

海鹽之陳。本出渤海高氏。相國文簡公官京朝時。遂與平湖高文恪公聯誼。會都御史華野郭公。劾文恪怙寵納賄。並指目文簡交結狀。得 旨一并休致。公奏辯。謂臣宗本出自高。譜牒炳然。若果臣交結士奇。何以士奇反稱臣為叔。事乃得白。

陳文簡公娶長洲宋文恪公女。康熙間。文簡由吏部侍郎巡撫廣西。賓客入賀。宋夫

人獨愀然不悅者累日。曰：「一門羣從咸列清華，我夫子乃出為粗官，令我慙顏於娣姒矣。」見鮎埼亭集廣陵相國傷逝記。蓋其時陳氏一門宗伯清恪公、司空文和公、丙齋司寇、匏廬少宗伯皆官九列，而夫人之姊妹夫、太倉王相國、海寧顧侍郎、合肥李宮詹、長洲繆宮贊亦同時以巍科清秩比踵朝端，故夫人云然也。門閭姻婭之盛簪組翩連，史書罕見，粗官數語較謝道韞天壤王郎一段議論尤矜貴已。

陳文勤公世倌相。高宗十七年，每敷奏及民間水旱疾苦，必反覆具陳，或繼以泣。上輒霽顏聽之，曰：「汝又來為百姓哭矣。」詳洪編修更生集中。

海鹽陳太守漢精岐黃家言。官禮曹時，樞相和珅召令視疾。太守咨於座主韓城王文端公，曰：「此奸臣，爾必以藥殺之，否則毋見我。」太守謝不往。和嫉之時已保御史，乃出為鞏昌知府，復以事貶知州。按文端為乾隆朝名相，同官非人，何難臚列奸私獨達天聽，明正其攬權誤國之罪，假手刀圭，恐涉詭詐。然和珅當日以上公懿戚，手掌絲綸，久領朝班，非無小廉曲謹，而純皇擴寬大之度，屈髦期之年，政府相攻，懼傷聖意。公一時忠憤激發，嫉惡若仇，容或偶為此語，揆其心術，仍不失為磊落光明。頃見太守族孫其元庸閒齋筆記述之，知非無稽之言矣。

乾隆間。粵東諸生謝啟祚。年九十八。猶入秋闈。以年例當早邀恩賜。大吏每列其名。輒力卻之。曰。科名定分也。老手未頽。安見此生不為耆儒一吐氣。丙午鄉試。果中式。謝戲作老女出嫁詩云。行年九十八。出嫁不勝羞。照鏡花生顰。持梳雪滿頭。自知真處子。人號老風流。寄語青春女。休誇早好逑。時同榜有十二齡童子。撫君某鹿鳴宴紀盛詩。有老人南極天邊見。童子春風座上來。一時傳為佳話。明年應會試。特恩授司業銜。又三年。恭祝純皇帝八旬萬壽。晉秩鴻臚卿。漸行。賜詩額以寵之。又十數年卒。蓋壽近百二十歲矣。有見其硃卷履歷者。先後三娶二媵。舉十三男。十二女。孫二十九人。曾孫三十八人。元孫二人。此君非特登科年齒之高。當為本朝第一。即家門鼎盛。子孫衆多。恐亦罕與比儷也。余在京師。粵中士大夫為余言如此。後見德清俞氏印雪軒隨筆亦載之。當非譌語。

乾隆戊戌會試。金壇于文襄公。韓城王文端公。為總裁。文襄丁巳狀元。文端辛巳狀元。王出于門。蓋師生也。時于已大拜。王亦相繼入閣。同考嘉定秦大成。癸未狀元。元和陳初哲。己丑狀元。休甯黃軒。辛卯狀元。歙縣金榜。壬辰狀元。是時凡狀元在朝者。無不入場。而是科狀元大庾戴文節公。即出金房。後亦為宰相。繼兩總裁衣鉢。洵盛

事之希有者。按兩總裁四同考六狀元中韓城而外皆籍江南可見江南狀元之多

康熙間嘉定布衣孫致彌以都尉耿某薦特旨賜三品服充朝鮮採詩使美除清秩亘古無儷士論榮之戊辰入詞苑旋累吏議起用至翰林學士

重宴瓊林已不多見而重賜及第則惟本朝潘文恭公一人以乾隆癸丑大魁天

下至咸豐三年甲子一周公已早躋台輔而是科公子星齋侍郎曾瑩適奉命典

春官試公孫少農師祖蔭以前一年及第闡後公與小門生稱新同年朱輪黃髮領

袖恩榮奉觴少子即新貴之座師撰杖童孫乃清班之前輩遭遇福澤之隆科名

門第之盛開闢到今無與抗手。大學士重宴恩榮者潘陽史文靖公胎直無錫嵇文恭公墳及公皆江蘇人

藤陰雜記載朱竹垞以帶僕充當供事出入內廷潘稼堂未以浮躁輕率有玷講官

為掌院牛鈕參劾原奏尚存康祺按大科初開廷臣原議處以閒曹如中行評博之

類聖祖特恩一二等咸入翰林詞館中以八股進身者咸懷忌嫉遂有野翰林之

目朱潘兩檢討尤負盛名宜牛鈕亟思鋤去也不然帶僕入直京官常事豈獨竹垞

一人品學若稼堂尚玷講官誰復勝簪筆侍書之任哉

本朝科第世家如祖孫會狀父子鼎甲王漁洋戴服塘載之纂詳余謂莫奇於鎮洋

汪廷璣乾隆戊辰探花。子學金。辛丑探花。儀徵陳嘉樹道光壬辰傳臚。子夔。同治壬戌傳臚。可謂無獨有偶。陳氏父子會試皆中第一百二十五名。尤奇。

康熙間。上齋內直諸臣嘗繪澄懷八友圖。主之者漳浦蔡文恭公。其七人則陳尚書惠華。程文恭公景伊。張文恪公泰開。觀總憲保。二周學士長發。王章。梁少詹錫嶼也。汪文端公由敦。秦文恭公蕙田作記。武進劉文定公綸作長歌。鉛山蔣侍郎士銓代涂少空逢震作二律。中有云。地鄰海淀兼三島。人異淮南正八公。為時傳誦。咸豐之朝。倭文端公亦嘗繪澄懷十友圖。孫方伯衣言遜學齋集中有記。圖中姓名惜未全舉。

康熙己未。宣城施愚山先生以監司薦。薦重入長安。其寓邸寄雲樓下老梅。四月間忽開四花。比鴻博。詔下。先生與同寓高詠俱入翰林。其南鄰孫卓會試以第二人及第。茆薦馨一甲第三。四君本同里。遂應四花之兆。

曹文恪公秀先第在米市胡同。乾隆癸巳。邀程文恭公景伊。嵇文恭公璜。吳恭定公紹詩。總憲張公若。大司寇崔公應階。少司馬蔣公元益。仿耆英真率之會。倡和極歡。越四年戊戌。易以蔡文恭公新。周文恭公煌。總憲羅公源漢。時有七人。元旦五百

歲之句。朱石君先生對以二老同年十九科。蓋指文恭也。先是康熙戊子。沈心齋閣學涵約勞介巖僉憲之辨。汪涵齋少司農晉徵。孫樹峰少宗伯岳頌。張劬齋少司寇睿。朱近庵少京兆□□。為五老會。集於陶然亭。用人生七十古來稀為起句。各賦一律。時五公年皆七十也。乾隆戊子。沈方伯世楓在京。邀陳太僕兆崙。周學士景桂。朱鴻臚續經。傅副憲為詩。作五老會。亦有圖詠。二事皆見藤陰雜記。

臚傳次日。諸進士禮部赴宴。堂西北縣飛龍畫軸。設香案謝恩。畫軸之設。始於乾隆元年。取龍虎得士之義也。

石琢堂殿撰未遇時。客游澄江。客有習扶鸞術者。叩之。連作三魁字。其後石鄉試第十三。會試第十四。殿試第一。皆如左券。殿撰獨學廬詩。有而今始識榮枯事。早定男兒墮地時之句。即指此也。按扶鸞幻術。什九虛無。非士大夫所宜崇信。殿撰詠此。蓋以科名前定。富貴天生。亦足使營營擾擾之徒。各安義命。庶不至紛爭冀倖。喪其故吾爾。

京師西山潭柘寺。唐曰嘉福。元曰龍泉。明曰萬壽。今曰岫雲。以山頂有龍潭。又有大柘樹。故相傳稱潭柘也。柘久枯落。入門而右。有銀杏一株。大合抱。聖祖臨幸。寺中

樹發孫枝一。高宗再幸。又發孫枝一。見石琢堂殿撰西山游記。

善化唐確慎公鑑。為近代理學名臣。宣宗登極。詔大臣各舉所知。諸城劉文恭公
鑑之薦起之。歟。歷外臺。垂三十年。開藩江左。以疾告歸。文宗踐祚。後有詔召公

赴闕。進對十有五次。時政利弊。靡所不罄。上以其力陳衰老。不復羈以職守。令還

江南。矜式多士。時公方主講金陵書院也。乾嘉以來。朝士宗尚漢學。承學之士。翕然

從風。幾若百川之朝東瀛。三軍之隨大纛。公獨潛究性道。被服洛閩。力踐精思。與世

殊軌。亦豪傑之士矣。公歷官中外。廉惠衆著。其官京師。相從講學者。倭文端。曾文正。

何文貞。桂珍。侍郎吳廷棟。侍御竇垕。數公也。

按公成嘉慶十四年進士授職檢討後由御史改員外故謚法無文字

列聖巡幸。木蘭。蒙古諸台吉及四十八部盟長。例於出哨之後。恭進筵宴。習武合歡。

有所謂塞宴四事者。扈從諸臣。多有賦詠。一曰詐馬。選六七歲以上幼孩。文衣錦襪。

銜尾騰驤。散鬣結鬚。不施鞍轡。而追風逐電。馳騁自如。別樹大纛於數里外。先至者

受上賞。餘亦恩賚有差。一曰什榜。番樂也。黃桴葦籥。頗有上古遺音。酒半。名王上

公。更迭獻技。其聲容制度。與中土之笙鏞簫管絕殊。而休鞫休儔。亦復自有節奏。一

曰布庫。相撲為戲也。徒手搏擊。分曹角力。伺隙蹈瑕。不專恃匹夫之勇。勝者有卮酒。

羊牖之

賜立飲無算

或曰拜先令

聖祖之擒龍

一日教駢馴名馬也凡達驛之產初入

牧羣不受羈韁者蕃王子弟輒執長竿攜綵索或躍而登或超而過聲控酣呼疾如風雨必使調良馴習而後已逸羣奔蹏馭之者愈衆剽悍神勇頗為壯觀蓋我先皇綏輯外藩於游歌泮奭之場不忘武備也

武進莊方耕少宗伯存與以乾隆己丑第二人及第其弟培因賦詩調之云他年令弟魁天下始信人間有宋祁後果中甲戌狀元此雖家衡美談科場佳識第元魁鼎甲權不自操雖曠代奇才豈能預以第一人為息壤昔汪容甫致稚存太史書亦有狀元大物留待拙兄之語容甫才豈出學士下而終身蹭蹬未踐斯言況汪猶施之友朋莊則傲之兄長骨肉至親至以科名高下相睥睨適見其器小矣

康熙辛丑會試揭曉後一榜人物先令王公大臣看驗時馬觀察維翰軀幹短小挺立不跪提督蔭科多呵之曰不料渺小丈夫風骨如許對曰區區不跪尚未見維翰風骨也後以給事中轉建昌道忤總督直揭部科可謂薑桂之性至老不移

員外郎內用九階方得四品故有九轉丹成之號謂員外郎中御史掌道給事中掌科鴻少光少通參也比年京曹沈滯竟有偏厯九階者

武進趙恭毅公申喬。儀狀奇古。圭角岸然。長戶部時。人呼冷廟龍王。身後贈諡曰恭。曰毅。洵名副其實矣。

四庫館初開。以翰林官纂輯不敷。劉文正公保進士邵晉涵。周永年。裘文達公保進士余集。舉人戴震。王文莊公保舉人楊昌霖。同典祕籍。後皆改入翰林。時稱五徵君。京師諺云。翰林院文章。太醫院藥方。光祿寺茶湯。鑾儀衛轎杠。又云。吏科官。戶科飯。兵科紙。工科炭。刑科卑隸。禮科看。蓋各舉其職守也。又御史巡城諺云。中城珠玉錦繡。東城布帛菽粟。南城禽魚花鳥。西城牛羊柴炭。北城衣冠盜賊。蓋各舉其所巡之地。華樸喧寂。迥不同也。

吏部四司。世稱喜怒哀樂。蓋文選司掌升遷除授之籍。故曰喜司。考功司掌降革罰俸之籍。故曰怒司。稽勲司掌丁憂病故之籍。故曰哀司。驗封司掌封贈蔭襲之籍。故曰樂司。

刑部直隸司大門。必敬邪不正。曹司始安。奉天司門。閱一二月輒施髹漆。相傳有直隸不直。奉天無縫之語。

合肥龔尚書。憐才下士。嘉惠孤寒。海內文流。延致門下。每歲暮各贈炭資。至稱貸以

結客馬殿撰世俊未遇時。長安過夏。侘傺特甚。袖文質公。公讀竟歎曰。李嶠真才子也。贈金八百。為延譽公卿間。明年辛丑。馬遂大魁天下。公卒。竹垞輓詩有云。寄聲逢掖賤。休作帝京游者。蓋深惜之也。

長洲徐枋。前明遺老。甲申後。卜居靈巖山側。渲染丹青。世稱絕妙。將軍蔡毓榮督武昌。遣使通書。且餽兼金求畫。枋笑曰。明府正是殷荊州。特吾薄顧。長康不為耳。其峻潔如此。世傳湯文正巡撫江南。屏廟從訪之。枋堅不出。康祺案枋嘗與文正周旋。人言妄也。蔡毓榮以明臣降順。枋故絕之。若文正者。理學經濟。枋所夙知。何為避而不見。

吳江計甫。草東讀書講學。風趣異人。嘗客鄴中。訪謝茂秦墓處。為封土三尺餘。立碣表誌。至順德。忽憶歸震川常佐此郡。有廳記二首。求其遺蹟。不可得。西向再拜。流淚被面。游泰山。至日觀峰。見豐碑屹立。大書人子不登高。不臨深。即杖策而下。還吳。見黃孝子向堅。自稱弟子。逸事尚多。此特其最著者。

寶應王白田先生。年五十始通籍。上書乞教職。雍正元年。由安慶教授薦入京師。特旨授編修。直上書房。同直者大學士福敏。尚書徐元夢。朱軾。侍郎蔡世遠。皆公卿大臣。先生以一窮老廣文。驟廁其間。進退雍容。論辨經術。不激不隨。蔡公稱為當今戴侍中。於是輦下百僚。莫不推敬。蓋服膺朱子之效也。程朱諸賢。儻生本朝。康乾